

Banjalučka berza Akcije pet PIF-ova imale najviše cijene

BANJA LUKA - Na trgovanju na Banjalučkoj berzi ostvaren je promet 600.000 KM, kroz 1.040 transakcija.

Trgovanje je obilježio rast cijena akcija deset PIF-ova, od čega su najveći rast imale akcije "Bors investa" za 7,14 odsto (na 3,60 KM).

Akcije pet PIF-ova su dostigle svoje rekordne vrijednosti i to "Euroinvestenta" od 10,01 KM, "Polara investa" od 7,71 KM, "Kristal investa" od osam KM, "Invest nove" od 0,074 KM i "Balkan investenta" od 6,71 KM.

Najveći promet na redovnom trgovanju ostvaren je sa akcijama "Telekoma Srpske" u iznosu od oko 110.000 KM, po cijeni od 1,98 KM po akciji. Na slobodnom berzanskom tržištu, najveći rast imale su akcije "Veleprehrane" Banja Luka od 15,38 odsto (na 0,30 KM).

Vrijednost BIRS-a povećala se za 0,37 odsto i iznosi 1.414,04 poena, dok se vrijednost FIRS-a povećala za 1,95 odsto i iznosi 2.451,95 poena.

PK.

Sarajevska berza Najveći promet dionica "Žitoprometa"

SARAJEVO - Na trgovanju Sarajevske berze ostvaren je promet od 3.439.463,90 KM kroz transakciju ukupno 432.641 dionice.

U segmentu redovnih emitenata najveći promet obavljen je dionicama "Žitoprometa" Mostar u iznosu od 195.935,37 KM, po kursu od 7,67 KM. Najveći porast vrijednosti imale su dionice KHK Lukavac od 113,70 odsto (na 7,80 KM), dok je najveći pad zabilježen kod "Medipana" Busovača od 8,72 odsto (na 1,36 KM).

U segmentu PIF-ova najveći promet ostvaren je dionicama "Naprijeda" u iznosu od 519.746,63 KM, po kursu od 10,42 KM.

Najveći porast vrijednosti imale su dionice "Fortuna fonda" od 8,25 odsto (na 8,30 KM), dok pada vrijednosti fondova nije bilo.

Prijavljena je blokovska transakcija dionicama "Sunca osiguranja" u iznosu od 501.167 KM.

Vrijednost BIFX-a porasla je za 4,92 odsto i sada iznosi 4.389,52 poena.

PK.

Zavod za statistiku RS RS posjetilo više od 150.000 turista

BANJA LUKA - RS prošle godine je posjetilo 151.280 turista, koji su ostvarili ukupno 407.749 noćenja, podaci su Zavoda za statistiku RS.

Prošle godine bilo je 0,7 odsto manje turista nego u 2003. godini, ali je broj ostvarenih noćenja za 12,9 odsto veći nego 2003.

Domaćih turista bilo je 97.741 i oni su ostvarili 270.697 noćenja, dok su 137.070 noćenja ostvarili strani turisti, kojih je bilo 53.539, od toga skoro dvije trećine iz SCG.

Od turista iz EU, Italijani su ostvarili 3.738, Britanci 3.313, Nijemci 3.204, a Francuzi 1.139 noćenja. (Srna)

Kupci "Unis promexa", "Šipada" i "Zadrugara" nisu izvršili obaveze

Agencija za privatizaciju najavila raskide ugovora

M. RENER

SARAJEVO - Agencija za privatizaciju Kantona Sarajevo proširuje raniju tužbu za raskid ugovora s firmom "Lokinvest" i Ensadom Karićem, kupcima sarajevskog preduzeća "Unis promex", zbog neizvršavanja obaveza novih finansijskih ulaganja.

Ovo je juče rekao Rifet Đogić, direktor Agencije za privatizaciju Kantona Sarajevo, nakon predstavljanja zaključaka sa sjednice Upravnog odbora Agencije održane 8. februara ove godine.

Đogić je najavio pokretanje postupka za raskid ugovora i s kupcima preduzeća "Zadrugar" i "Šipad" ukoliko u roku od 30, odnosno deset dana, ne ispune ugovorene obaveze zapošljavanja i ulaganja.

"Ranije je pokrenuta tužba za raskid ugovora za kupovinu 'Unis promexa' jer kupci nisu izvršili

„ Kupac "Zadrugara" nije ispunio obaveze zapošljavanja u prvoj godini niti novog ulaganja, te mu je dat rok od 30 dana da to učini. Kupac firme "Šipad", ima rok od 10 dana da Agenciji dostavi dokaze o izmirenju obaveza prema zaposlenim povjeriocima, kazao Fahrudin Nalo „

obavezu zapošljavanja tri nova radnika. 'Unis promex' nam se obratio zbog potpisivanja aneksa ugovora kojim bismo izmijenili klauzulu o novim zapošljavanjima. Analizirajući zahtjev utvrdili smo propuste Agencije. U kontroli ugovora uvidjeli smo da kupac nije izvršio ni nova ulaganja", kazao je Đogić.

Fahrudin Nalo, predsjednik

Upravnog odbora Agencije, dodao je da je kupac položio 100.000 KM na račun preduzeća, ali da je investirao svega 27.000 KM, dok preostali novac stoji na računu, što nije u skladu sa ugovorom predviđenim biznis planom.

"Kada je riječ o firmi 'Zadrugar', kupac Hamed Močević nije ispunio obaveze zapošljavanja u prvoj godini niti novog ulaganja, te

mu je dat rok od 30 dana da to učini. Esad Česko, kupac firme 'Šipad', ima rok od deset dana da Agenciji dostavi dokaze o izmirenju obaveza prema zaposlenim i povjericima", kaže Nalo.

On je potvrdio i da je Agencija za privatizaciju Kantona Sarajevo uputila MUP-u kantona dokumentaciju i zahtjev za poduzimanjem aktivnosti zbog sumnji da je nekoliko osoba iz Agencije napravilo propuste u radu prilikom privatizacija.

"Kontrole rada zaposlenih u Agenciji su redovan posao, i u tim kontrolama uočili smo propuste u radu. Tek se treba utvrditi da li su propusti bili namjerni. Postoje samo indicije. Ne želimo govoriti imena dok se ne provedu sve kontrole za pojedine slučajeve", dodao je Nalo. Portparol MUP-a kantona Magbul Škoro juče nije mogao potvrditi da li je MUP primio zahtjev i dokumentaciju iz Agencije.

Uručene nagrade Najveće nagradne igre grand kafe za FBiH

Ček od 100.000 KM za porodicu Sivčević



S. LEMO

SARAJEVO - Senad Sivčević iz Sarajeva dobitnik je glavne nagrade, čeka od 100.000 KM, najveće nagradne igre grand kafe za Federaciju BiH.

U subotu, 5. februara, na finalnom izvlačenju završnog kola nagradne igre grand kafe izvučeni su dobitnici putovanja u Rio de Žaneiro i vlasnik novog automobila VW Passat 1.9 TDI.

Ček od 100.000 KM, vaučeri za nagradna putovanja i ključevi automobila sretnim dobitnicima svečano su uručeni jučer u prostorijama ASA

PVA Volkswagen u Sarajevu.

Sedmodnevno putovanje za dvije osobe u Rio de Žaneiro dobili su Muaz Bajramović iz Sarajeva, Dalila Botić iz Breze i Željko Jagodić iz Goražda, a ključeve automobila Mostarka Enisa Smajić.

Senadu Sivčeviću, dobitniku glavne nagrade, ček od 100.000 KM uručio je Senad Čengić, direktor preduzeća "Kofikom" iz Sarajeva, poručujući da će nagradnih igara grand kafe biti i ubuduće s boljom organizacijom i vrednijim nagradama.

U posljednjem, trećem kolu nagradne igre, među više od 400.000 koverata izvučeni su dobi-

tnici 690 nagrada. Za glavnu nagradu, ček od 100.000 KM, organizator snosi troškove poreza, dok su za automobile, koji su dodijeljeni dobitnicima u sva tri kruga izvlačenja nagradne igre grand kafe, plaćeni porez i carina.

Najveća nagradna igra grand kafe počela je 20. oktobra prošle i trajala je do 5. februara 2005. godine. Nagradni fond iznosio je preko 300.000 KM, pretočen u 2.066 nagrada. Jučerašnjim uručjenjem glavnih nagrada okončana je ova nagradna igra. U narednim danima ostale nagrade stizat će na kućne adrese dobitnika u FBiH.

"Novi rudnici Ljubija" iz Prijedora Kompletirano 150 tužbi radnika protiv rukovodstva

PRIJEDOR - Opušteni radnici "Novih rudnika Ljubija" Osnovnom sudu u Prijedoru prosljedili su 150 pojedinačnih tužbi protiv Uprave preduzeća, a uskoro će biti kompletirane i tužbe preostalih radnika.

Ovo je potvrdio Milivoj Veselinović, jedan od otpuštenih radnika, navodeći da će im važan argument na sudu biti i rješenje drugostepenog organa Republičke inspekcije rada, koja je kao neosnovanu odbacila žalbu poslovođstva rudnika na inspekcijisku naredbu da se u rudniku otklone sve nepravilnosti u vezi s radno-pravnim statusom otpuštenih radnika.

Republički inspektor rada, Radmila Pužić, kaže da je ovo rješenje konačno u pravnom postupku i da protiv njega nije dozvoljena žalba.

"Može se pokrenuti jedino upravni spor tužbom kod Vrhovnog suda RS u roku od trideset dana od dana kada je rješenje i dostavljeno rukovodstvu", objašnjava Pužićeva.

Prema riječima Milivoja Veselinovića, sutra bi trebalo da bude poznat konačan stav Sindikata o zahtjevu otpuštenih radnika za organizovanje štrajka upozorenja, odnosno generalnog štrajka u ovom preduzeću.

D.K.